

Dokumentu honetan gure esnearen kalitateari buruz daukagun informazio guztia eskaini nahi diegu pertsona kontsumitzaileei. Honako informazioa elikadura burujabetzako proiektu batean aurrera egiteko ezinbestekotzat jotzeaz gain, abereen elikaduraren eta esnari kontsumoa baino lehen aplikatutako tratamenduaren arabera, esnearen kalitateari buruz dauden hainbat zalantza argitu nahi dugu.

Sarrera

Vista Alegre baserriko esnearen nutrizio-osaketan eta osasun-kalitatean eragina duten irizpideetako hiru dira honakoak:

- Behien elikadura mota
- Higienea esnearen ekoizpenean eta jetzialdian
- Esnari aplikatzen zaion prozesamendu mota

Vista Alegre baserriko esne-behien elikadurari dagokionez, euren esnearen kalitatean eragin positiboa daukaten bi irizpide daude: alde batetik, bazka portzentaje handia eta kontzentratu portzentaje txikiagoa dago elikaduran; bestalde, behiak gutxienez zazpi hilabetez aritzen dira bazkatzen, eguraldiak uzten duenaren arabera. Behiak ez daude beti ukuiluan eta hala mugimendurako askatasun handiagoa dute, horrek osasunerako dakarren onurarekin.

